

## ZAPISNIK

sa osamnaeste redovne sjednice Upravnog odbora Univerziteta u Tuzli  
održane u četvrtak 26.01.2023. godine, sa početkom u 13,00 sati u Sali za sjednice Rektorata  
Univerziteta u Tuzli

Na osamnaestoj redovnoj sjednici prisustvovali su predsjednik Upravnog odbora dr. sci. Semir Ahmetbegović, vanr. prof., te članovi: Suad Hasanović, Omer Beširović, dr.sci. Kenan Mandžić, red.prof., dr.sci. Anita Petrović, vanr.prof., i Emina Duranović, student.

Sjednici nisu prisustvovali: dr.sci. Franc Andrejaš, vanr.prof., Amela Dedić i Adela Mustafagić Šaldić, koje su izostanak opravdale.

Osim članova Upravnog odbora sjednici su prisustvovali: dr. sci. Jasmin Suljagić, vanr. prof. u svojstvu zamjenika Rektorice po punomoći, a zbog njene odsutnosti sa posla (bolovanje), Generalni sekretar Jasmina Berbić dipl. pravnik, te u svojstvu izvjestilaca po pojedinim tačkama dnevnog reda: Direktor za ekonomske poslove Husein Matović, Viši stručni saradnik u odjeljenju javnih nabavki Enida Omerhodžić, dipl. ecc., Šef finansija Fikreta Jahić, dipl. ecc., dr. sc. Damir Zenunović, vanr. prof., Voditelj centra za osiguranje kvaliteta i internu evaluaciju, Stručni saradnik u odjeljenju javnih nabavki Amir Šabaškić, dipl. pravnik, te Šef Službe za tehničke poslove, Evelina Zukić, dipl. ing. elektrotehnike.

Predsjednik Upravnog odbora konstatovao je da postoje uslovi za rad i odlučivanje na sjednici u skladu sa Poslovníkom o radu Upravnog odbora, te je otvorio osamnaestu redovnu sjednicu Upravnog odbora.

Dao je na usvajanje predloženi dnevni red. Predložio je i obrazložio razlog za promjenu u redosljedu razmatranja tačaka dnevnog reda na način da se posljednja tačka dnevnog reda - Upoznavanje sa odredbama člana 20. Zakona o izmjenama i dopunama Zakona visokom obrazovanju ("Službene novine Tuzlanskog kantona", broj: 16/22) razmotri kao tačka 5. Predložena tačka 5 bi se razmatrala kao tačka 6. I trako redom.

Član upravnog odbora Omer Beširović je predložio i obrazložio dopunu dnevnog reda novom tačkom 11- Razmatranje Inicijative za analizu rada Upravnog odbora u proteklom periodu sa osvrtom na rad u dva mandata Privremenog upravnog odbora, te rada Upravnog odbora u punom mandatu.

Nakon što je usvojio Prijedlog za izmjene i dopune u predloženom dnevnom redu, Upravni odbor je za ovu sjednicu jednoglasno usvojio sljedeći

### DNEVNI RED:

1. Usvajanje Zapisnika sa 22. i 23. vanredne sjednice Upravnog odbora Univerziteta u Tuzli
2. Donošenje Odluke o usvajanju Plana nabavki Univerziteta za 2023.godinu
3. Donošenje Odluke o usvajanju Plana nabavki NIR-ova fakulteta Univerziteta za 2023.godinu
4. Razmatranje prijedloga Odluke o dopuni Odluke o utvrđivanju maloprodajnih cijena obrazaca za upis studenata i izdavanja podataka iz službene evidencije Univerziteta u Tuzli
5. Upoznavanje sa odredbama člana 20. Zakona o izmjenama i dopunama Zakona o visokom obrazovanju ("Službene novine Tuzlanskog kantona", broj: 16/22)
6. Upoznavanje sa Prigovorom i Zahtjevom za zaštitu prava [REDAKCIJA] u predmetu broj: 03/3-6316-1-9.1/22 od 21.11.2022. godine
7. Upoznavanje sa Mišljenjem Ministarstva obrazovanja i nauke TK broj: D-10/1-34-033150-1-22 od 04.01.2022. godine u vezi statusa Imatrikulanata
8. Upoznavanje sa Obavještenjem [REDAKCIJA] Voditeljice Erasmus projekta Teacher
9. Upoznavanje sa dopisom Upravnom odboru Univerziteta broj: 04-7249-1 od 28.12.2022. godine
10. Upoznavanje sa dopisom Dekanice Akademije dramskih umjetnosti broj:02/1-6259-1-1.3/22 od 11.11.2022.godine

11. Razmatranje Inicijative za analizu rada Upravnog odbora u proteklom periodu sa osvrtom na rad u dva mandata Privremenog upravnog odbora, te rada Upravnog odbora u punom mandatu.

### **Rad na sjednici:**

#### **TAČKA 1.**

##### **Usvajanje Zapisnika sa 22. i 23. vanredne sjednice Upravnog odbora Univerziteta u Tuzli**

Sekretar Upravnog odbora, Ahmo Muhić, dipl. pravnik je izvijestio Upravni odbor o sadržaju zapisnika sa 22. i 23. vanredne sjednice Upravnog odbora.

Na prijedlog člana Upravnog odbora Omera Beširovića jednoglasno je usvojeno da se u Zapisniku sa 23. vanredne sjednice konstatuje da je Adela Šaldić član Upravnog odbora odsustvo sa sjednice opravdala.

Upravni odbor je sa 5 glasova „za“ i jednim glasom „suzdržan“, većinom glasova od ukupnog broja članova, usvojio zapisnike sa 22. i 23. vanredne sjednice Upravnog odbora.

#### **TAČKA 2.**

##### **Donošenje Odluke o usvajanju Plana nabavki Univerziteta za 2023.godinu**

Direktor za ekonomske poslove Husein Matović, dipl. ecc. izvijestio je članove Upravnog odbora sa procedurom za pripremanje Plana nabavki za 2023. godinu i istakao da je procedura nova, posebno kada su u pitanju rokovi za realizaciju istog koji su skraćeni po najnovijim izmjenama i dopunama Zakona o javnim nabavkama.

Enida Omerhodžić, dipl. ecc., Viši stručni saradnik u Odjeljenju javnih nabavki je obrazložila postupak pripreme prijedloga Plana nabavki, te istakla da je isti sastavljen po prijedlozima rukovodilaca organizacionih i podorganizacionih jedinica Univerziteta.

U toku rasprave Upravni odbor je razmotrio Plan nabavki po svim stavkama pojedinačno.

U okviru planiranja za Službu za tehničke poslove, odgovarajuće informacije je dala Evelina Zukić, dipl. ing. el., Šef službe.

Upravni odbor je jednoglasno usvojio odgovarajuće izmjene i dopune po stavkama i to:

- stavka 46. - da se na kraju iste upiše tekst, „u 2023. godini“,
- stavka 64. - da se preformuliše i da glasi, „Molerski i završni radovi u objektima Univerziteta“
- stavka 85. - da se ista dopuni tekstem, („pravne i savjetodavne usluge za razvoj Kampus“),
- stavka 92. - da se preformuliše i da glasi, „Preplate za stručne časopise za administrativno osoblje“,
- stavka 96.- da se ukine planiranje od 6.000,00 iz vlastitih prihoda,
- stavka 111. - da se preformuliše i da glasi, „Izrada geotehničkih misija“,
- stavka 109. - briše se,
- stavka 132. - postaje stavka 131. koja glasi, „Nabavka i montaža kontejnera i nadstrešnica za kontejnere za manifestacije Univerziteta,
- stavka 148. - briše se.

Nakon obavljene rasprave Upravni odbor je jednoglasno donio

### **ODLUKU**

#### **O USVAJANJU PLANA NABAVKI UNIVERZITETA U TUZLI ZA 2023. GODINU**

##### **I**

Usvaja se Plan nabavki Univerziteta u Tuzli za 2023.godinu i isti čini sastavni dio ove Odluke.

##### **II**

Odobravaju se sredstva do planiranog iznosa za nabavke čija vrijednost ne prelazi 100.000,00 KM kao i za nabavke čija vrijednost prelazi 100.000,00 KM kao i kapitalne investicije, u skladu sa stavom III ove Odluke.

### III

Realizacija Plana nabavki za 2023. godinu mora biti u skladu sa Budžetom TK za 2023. godinu, Finansijskim planom i ostvarenim prihodima Univerziteta.

### IV

Za realizaciju Plana nabavki iz tačke I ove Odluke zadužuju se lica ovlaštena za podnošenje zahtjeva za realizaciju nabavki, Rektor i stručne službe Univerziteta u Tuzli.

### V

Plan nabavki će se objaviti na web stranici Univerziteta.

### VI

Ova Odluka stupa na snagu danom donošenja.

U okviru ove tačke dnevnog reda, na prijedlog Omera Beširovića, člana Upravnog odbora, jednoglasno je donesen i sljedeći

## ZAKLJUČAK

Prijedlozi Plana nabavki Univerziteta kao i izmjene i dopune istih, u buduće će se dostavljati blagovremeno uz detaljno obrazloženje.

### **TAČKA 3.**

#### **Donošenje Odluke o usvajanju Plana nabavki NIR-ova fakulteta Univerziteta za 2023.godinu**

Direktor za ekonomske poslove Husein Matović, dipl. ecc. izvijestio je članove Upravnog odbora sa procedurom za pripremanje Plana nabavki NIR\_ova.

Dodatna obrazloženja je dala Enida Omerhodžić, dipl. ecc., Viši stručni saradnik u Odjeljenju javnih nabavki. Istakla je da je od ove godine propisana obaveza objavljivanja plana nabavki na Portalu na kojem je predviđen Univerzitet u Tuzli sa svojim organizacionim jedinicama. Univerzitetski plan je pregledan i na web stranici svake organizacione jedinice. Međutim, naglasila je da unos bilo koje promjene u okviru organizacione jedinice nije moguć iako su Budžetom TK kreirana potrošačka mjesta za organizacione jedinice. Radi prevazilaženja ovog problema Upravni odbor je jednoglasno donio

## ZAKLJUČAK

Zadužuje se Direktor za ekonomske poslove Univerziteta da uputi dopis Agenciji za javne nabavke Bosne i Hercegovine u kojem će zatražiti savjetodavnu pomoć u vezi kreiranja planova nabavki naučno-istraživačkog rada organizacionih jedinica Univerziteta u Tuzli.

Rok za izvršenje ovog Zaključka je hitan.

U toku rasprave o prijedlogu Plana nabavke NIR-ova jednoglasno je usvojeno da se u odnosu na Rudarsko-geološko-građevinski fakultet, u okviru stavke – Laboratorijska analiza uzoraka kao okvirni datum pokretanja nabavke odredi februar 2023. godine, umjesto mart, kao što je predloženo.

Takođe, dodati će se nova stavka – Oglašavanje putem bilborda na iznos od 1.950,00 KM.

Nakon provedene rasprave Upravni odbor je jednoglasno donio

## ODLUKU

### **O USVAJANJU PLANA NABAVKI NIR-ova FAKULTETA UNIVERZITETA U TUZLI ZA 2023. GODINU**

### I

Usvaja se Plan nabavki NIR-ova fakulteta Univerziteta u Tuzli za 2023. godinu i isti čini sastavni dio ove Odluke.

## II

Odobravaju se sredstva do planiranog iznosa kao i kapitalne investicije, u skladu sa stavom III ove Odluke.

## III

Realizacija Plana nabavki za 2023. godinu mora biti u skladu sa ostvarenim prihodima i Finansijskim planom.

## IV

Za realizaciju Plana nabavki iz tačke I ove Odluke zadužuju se lica ovlaštena za podnošenje zahtjeva za realizaciju nabavki.

## V

Plan nabavki će se objaviti na web stranici Univerziteta.

## VI

Ova Odluka stupa na snagu danom donošenja.

### **TAČKA 4.**

#### **Razmatranje prijedloga Odluke o dopuni Odluke o utvrđivanju maloprodajnih cijena obrazaca za upis studenata i izdavanja podataka iz službene evidencije Univerziteta u Tuzli**

Direktor za ekonomske poslove Husein Matović, dipl. ecc. je dodatno obrazložio detalje prijedloga Odluke koju je dostavio Upravnom odboru. Informisao je članove Upravnog odbora da su ispiti u toku, da su pojedini studenti u prvobitnim indeksima popunili rubrike o evinciji ocjena do kraja, da pojedini studenti za ovu namjenu, neovisno o ovoj Odluci kupuju indekse u Skriptarnici po maloprodajnoj cijeni od 25,00 KM. Generalni sekretar Jasmina Berbić, dipl. pravnik je informisala članove upravnog odbora o činjenici da je znatan broj studenata koji potražuju indekse za navedenu namjenu, iste već kupio.

Nakon što se obavijestio o tim novim činjenicama, Upravni odbor je jednoglasno donio

### **ZAKLJUČAK**

#### **I**

Odlaze se odlučivanje po Prijedlogu Direktora za ekonomske poslove od 10.01.2023. godine radi pribavljanja dodatnih informacija potrebnih za odlučivanje

#### **II**

Zadužuje se Direktor za ekonomske poslove Univerziteta da Upravnom odboru dostavi Informaciju o preostalom broju studenata koji potražuju indeks u navedene svrhe, a sve u vezi činjenice da je Upravni odbor informisan da je određeni broj studenata kupio indekse kao "Nastavak indeksa" po cijeni utvrđenoj predmetnom Odlukom.

### **TAČKA 5.**

#### **Upoznavanje sa odredbama člana 20. Zakona o izmjenama i dopunama Zakona o visokom obrazovanju ("Službene novine Tuzlanskog kantona", broj: 16/22)**

Direktor za ekonomske poslove Husein Matović, dipl. ecc. informisao je Upravni Odbor sa mogućnostima implementacije predmetne odredbe Zakona o visokom obrazovanju te člana 3. Odluke o utvrđivanju osnovica, stopa i načinu obračunavanja i isplate doprinosa za obavezno zdravstveno osiguranje na području Tuzlanskog kantona.

Dodatna obrazloženja je dala i Šef finansija Fikreta Jahić, dipl. ecc. Nakon obavljene rasprave, Upravni odbor je jednoglasno donio

### **ZAKLJUČAK**

Upravni odbor je upoznat sa odredbom člana 20. Zakona o izmjenama i dopunama Zakona o visokom obrazovanju ("Službene novine Tuzlanskog kantona", broj: 16/22).

Traži se od Rektorice Univerziteta u Tuzli da razmotri odredbu člana 20. Zakona o visokom obrazovanju i Upravnom odboru dostavi Mišljenje o mogućnosti implementacije iste.

Takođe, na prijedlog člana Upravnog odbora Omera Beširovića, Upravni odbor je jednoglasno donio

### **ZAKLJUČAK**

Upravni odbor je upoznat sa odredbom člana 22. Zakona o izmjenama i dopunama Zakona o visokom obrazovanju ("Službene novine Tuzlanskog kantona", broj: 16/22). Upravni odbor konstatuje da je stavom (2) navedene zakonske odredbe propisan rok koji ubrzo ističe. Iz tih razloga Upravni odbor dostavlja ovaj Zaključak na znanje Rektorici Univerziteta u Tuzli.

#### **TAČKA 6**

**Upoznavanje sa Prigovorom i Zahtjevom za zaštitu prava [REDAKCIJA] v u predmetu broj: 03/3-6316-1-9.1/22 od 21.11.2022. godine**

Nakon što se upoznao sa činjenicom da [REDAKCIJA] nije radnik Univerziteta, Upravni odbor je jednoglasno donio

### **ZAKLJUČAK**

Prigovor i Zahtjev [REDAKCIJA] za zaštitu prava u predmetu broj:03/3-6316-1-9.1/22 podnesen Upravnom odboru po punomoćniku Hećimović Bakiru, advokatu iz Tuzle, pod brojem 04-60-1/23 od 05.01.2023. godine, odbacuje se zbog nenadležnosti.

#### **O b r a z l o ž e n j e**

[REDAKCIJA], po punomoćniku Hećimović Bakiru, advokatu iz Tuzle, podnijela je Upravnom odboru Prigovor i Zahtjev za zaštitu prava u predmetu broj:03/3-6316-1-9.1/22, podnesen pod brojem 04-60-1/23 od 05.01.2023. godine.

Upravni odbor Univerziteta u Tuzli, na sjednici od 26.01.2023. godine, upoznao se sa Prigovorom i zaključio da nije nadležan za postupanje po istom.

Naime, prema službenoj evidenciji Univerziteta u Tuzli, podnositeljica prigovora [REDAKCIJA] nije radnica Univerziteta u Tuzli.

U smislu člana 50. stav (1) tačka j) Statuta Univerziteta u Tuzli Upravni odbor je nadležan da odlučuje o prigovorima radnika na akte organa Univerziteta koji su u prvom stepenu odlučivali o njihovim pravima, obavezama i odgovornostima iz radnog odnosa.

Kako podnositeljica prigovora nije radnica Univerziteta, to je primjenom navedene odredbe Statuta Upravni odbor i donio Zaključak kao u dispozitivu.

Generalni Sekretar Jasmina Berbić, dipl. pravnik je obavijestila članove Upravnog odbora [REDAKCIJA] [REDAKCIJA] bila angažovana u naučno-nastavnom procesu izvođenja vježbi na Univerzitetu u Tuzli, kao stručnjak iz prakse u ak. 21/22. godini.

Nakon što je obaviješten o tim činjenicama, Upravni odbor je jednoglasno donio

### **ZAKLJUČAK**

#### **I**

Upravni odbor se oglasio nenadležnim za postupanje po Prigovoru i Zahtjevu [REDAKCIJA] [REDAKCIJA] za zaštitu prava u predmetu broj:03/3-6316-1-9.1/22 podnesen Upravnom odboru po punomoćniku Hećimović Bakiru, advokatu iz Tuzle, pod brojem 04-60-1/23 od 05.01.2023. godine.

## II

U postupku upoznavanja sa Prigovorom, Upravni odbor je obaviješten da je prema službenoj evidenciji [REDAKTIRANO] bila angažovana u naučno-nastavnom procesu izvođenja vježbi na Univerzitetu u Tuzli, kao istaknuti stručnjak iz prakse u akademskoj 2021/22. godini.

Zaključak se dostavlja Etičkom komitetu Univerziteta na znanje.

### **TAČKA 7**

**Upoznavanje sa Mišljenjem Ministarstva obrazovanja i nauke TK broj: D-10/1-34-033150-1-22 od 04.01.2022. godine u vezi statusa Imatrikulanata**

Predsjednik Upravnog odbora je obrazložio Sadržaj Mišljenja koje je dostavljeno po Zaključku Upravnog odbora sa ranije sjednice koji je donesen u postupku razmatranja Zahtjeva Studentskog parlamenta za omogućavanje korištenja studentskih domova za smještaj studenata Imatrikulanata po punoj ekonomskoj cijeni, bez usluga ishrane.

Upravni odbor je jednoglasno donio

### **ZAKLJUČAK**

Mišljenje Ministarstva obrazovanja i nauke TK broj: D-10/1-34-033150-1-22 od 04.01.2022. godine, zajedno sa Zahtjevom Studentskog parlamenta Univerziteta u Tuzli broj: 1-20/09/22 od 20.09.2022. godine, dostavlja se Rektorici Univerziteta u Tuzli na razmatranje.

### **TAČKA 8**

**Upoznavanje sa Obavještenjem [REDAKTIRANO] – Voditeljice Erasmus projekta Teacher**

Nakon što se upoznao sa Obavještenjem [REDAKTIRANO] voditeljice Erasmus projekta Teacher u kojem je konstatovano da još uvijek nije usvojen Finalni izljetaj projekta od strane Evropske komisije, upravni odbor je jednoglasno donio

### **ZAKLJUČAK**

Prima se k znanju Obavještenje [REDAKTIRANO] voditeljice Erasmus projekta Teacher, broj: 04-7327-1/22 od 29.12.2022. godine.

Upravni odbor ostaje kod tačke II Zaključka broj: 04-954-1.2/22 od 23.02.2022. godine.

### **TAČKA 9**

**Upoznavanje sa dopisom Upravnom odboru Univerziteta broj: 04-7249-1 od 28.12.2022. godine dostavljenim od strane nepoznatog pošiljaoca**

Nakon što se upoznao sa sadržajem dopisa nepoznatog pošiljaoca i nakon obavljene rasprave u vezi navoda u istom, Upravni odbor je jednoglasno donio sljedeći

### **ZAKLJUČAK**

Upravni odbor se upoznao sa sadržajem Dopisa broj: 04-7249-1 od 28.12.2022. godine, dostavljenog od strane nepoznatog pošiljaoca.

Cijeneći da se u dopisu navode imena zaposlenika Univerziteta, Upravni odbor dostavlja dopis Rektorici Univerziteta u Tuzli na dalji postupak.

### **TAČKA 10**

**Upoznavanje sa dopisom Dekanice Akademije dramskih umjetnosti broj: 02/1-6259-1-1.3/22 od 11.11.2022. godine**

Upravni odbor se upoznao sa dopisom Dekanice Akademije dramskih umjetnosti, a u vezi potrebe da se u svim aktima, kako u postojećim tako i u onim koji su u planu donošenja uvrste i umjetnička zvanja i umjetničko stvaralaštvo, nakon čega je jednoglasno donio

### **ZAKLJUČAK**

Prima se k znanju Dopis Dekanice Akademije dramskih umjetnosti broj: 02/1-6259-1-1.3/22 od 11.11.2022. godine.

#### **TAČKA 11**

**Razmatranje Inicijative za analizu rada Upravnog odbora u proteklom periodu sa osvrtom na rad u dva mandata Privremenog upravnog odbora, te rada Upravnog odbora u punom mandatu.**

Inicijativu za analizu rada Upravnog odbora, obrazložio je Omer Beširović, član Upravnog odbora, nakon čega je Upravni odbor jednoglasno donio

### **ZAKLJUČAK**

Zadužuje se Sekretar Upravnog odbora Univerziteta da Upravnom Odboru dostavi Izvještaj o radu Upravnog odbora u aktuelnom sastavu, uključujući dva mandata u svojstvu Privremenog Upravnog odbora, te u punom mandatu koji trenutno obnaša.

Izvještajem će se obuhvatiti, broj održanih sjednica, broj donesenih odluka, zaključaka i drugih akata kao i zbirno vrijeme trajanja svih održanih sjednica.

Sjednica je zaključena u 19 sati i 13 minuta.

ZAPISNIK SAČINIO

Ahmo Muhić, dipl.pravnik

UNIVERZITET U TUZLI

Broj: 04-422-1/23

Tuzla, 26.01.2023.godine

PREDSJEDNIK  
UPRAVNOG ODBORA

dr. sc. Semir Ahmetbegović, vanr.prof.

